

綿綿而下漸見廣大蓋覆停棺之所棺為道
悉所覆下入大地廓無蹤跡矣

呪獻法食

存食進廣大無量金光道悉銜滿一室但見
日月星辰彌羅其上有玉童玉女各以金匙
玉筯瓊液琅膏鋪飴^三克^三克^三食畢無不歡
欣飽滿感謝

靈寶領教濟度金書卷之二百八十四

靈寶領教濟度金書卷之二百八十五 伏三

洞微高士開光救苦真人竊金真授

靈寶通玄弘教水南先生林靈真編

存思玄妙品祈禱用

玄靈默朝內誦

真人在赤天中鍊穢變神步罡畢即以舌柱
上腭化為虹橋五臟真炁化為五色祥雲捧
此橋直接天上遂結六真訣呪曰

謹請四直玉文功曹左右繡衣使者引我朝
謁中天門下急急

即存四直功曹四人左青右白左紅右黑半
冠大袖佩符繡衣使者二人繡衣錦裙大袖
執節凡六人成三對前引四直前行次二使
者遂剔訣閉炁存引真人乘雲炁自絳宮歷
重樓度虹橋覺如歷數萬里之遠望橋外有
崇臺乃鼻根近眼處有金牌玉字云中天門
下紫雲交映見擎羊使者陀羅使者狀如玉
女直日直宿星官一員狀如世間所畫星官
之服皆在門裏立真人既到中天門下四直
及繡衣不入真人遂望天門祝曰

謹上請中天門下斗中直符擎羊使者斗中
直事陀羅使者斗中直宿星官今為某事朝
謁北極靈真殿伏乞聖慈俯賜俞允

即見二人引真人入門裏皆瑠璃為地祥雲
紫霧照徹內外有一大殿即北極靈真殿也

殿內羅列七官一如斗星之狀七位星君各
坐殿上在金光紫霧之中真人在殿前仰望

星君再拜長跪具奏云臣今謹為某人某事
朝謁誦經乞賜報應

即默誦北斗九宸呪經七遍存七位星君亦

同真人誦經聲琅然金石之聲光輝灌沐

真人之身內外光明誦畢然後懺罪祈恩不

過十六字祝畢再誦見金光奕奕七位星君

乘金光倏然混合為一身坐真人本命宮內

金光煥發誦經不輟真人亦誦即登本命宮

乘光左旋九帀忽然與星君混合為一體口

誦真經身駕金光彩雲出中天門下度虹橋

歷重樓至絳宮再誦經一徧咽液三過行神

光大定之法寂無遺響

此默朝璇璣之法也若不與星合形則懺罪

祈恩畢伏在殿墀下以俟報應存七星降紫金光下灌得報應訖又再拜謝恩而退出中天門下辨二使者一直宿至門外見功曹及繡衣使者欣躍前引度虹橋歷重樓至赤天次誦經扣齒咽液而退已上係在靈真殿內

遙望七宮朝謁誦經之法若欲徧詣七宮則陽日起左目次左鼻次右鼻次右目次右耳次口次左耳七星各在其宮內陰日則起右目次右鼻次左鼻次左目次左耳次口次右耳為七宮若欲徧朝則先詣中天門下朝二帝次朝七宮輔星附六宮弼星附第三宮也。

神霄默朝內誦

真人在赤天中作用如前入三天門下徑望東南巽位青林碧霞飛流繚繞有大宮殿乃長生大帝所居侍衛儼然一如大羅之儀真人見金闕森疑有金牌玉宇云玉清神霄玉府真人遂入朝謁跪奏所行事意誦經七遍畢懺罪祈恩如前再拜辭出三天門下歷虹橋度重樓歸至絳宮咽液而止所誦之經則神霄玉章也

預修受度

預修九壇與開度受鍊九壇無異先建玄壇降寶光然後依科行之第一壇度九祖六親解冤結呪須存冤親俱至遣將解釋第二壇削死籍焚罪簿須存官將削落焚毀第三壇除三業六根解三塗五苦須存官將斷除業根塗苦第四壇服金液十六符須存官將隨符救治第五壇降二十四真神降九天炁降五帝炁須存官將為之生神降炁第六壇降三十二天炁須存各天護佑善功第七壇降日月五星南辰北斗四餘三斗二十八宿須存官將入身保度厄難第八壇祝四方八天過度陽九百六之劫第九壇則給符檢錄而已一壇二壇三壇諸符都焚四壇五壇六壇七壇八壇諸符並以參黍湯調符度與服第六壇存無量度人天尊紫帔白玉冠青圭第七壇存長生護命天尊碧帔金冠白圭左右二真並青衣青冠執圭餘天尊並同開度之儀

七曜存思

七曜齋作用於開啓時存見太陽太陰五星真君各衣其色衣無光自玄虛中下降壇中流精飛芒照耀壇所各依方而坐然後朝奏如儀

璇璣存思

建璇璣齋合設八門各有門名與虛皇壇不同見齋醮須知品其開啓變壇則存青炁白雲崇樓絳闕內有靈真之殿外有洞淵之門三台在前華蓋在後瑤林琪樹重重間列鈞天廣樂在在振響其入壇朝奏則都門用本靖得力四大神將地戶斗中金剛神王將軍力士天門用金童玉女使者功曹備見本科其召將翊衛則斗中諸將及南北院雷司諸官吏也惟經懺中解厄宜宣解某厄符念大聖北斗七元君能解某厄一百二十徧存凶星惡煞自患人身中而出我即飛天網躡地紀內誦洞章三十二徧金光自我口而出星煞皆離其身乘金光悉皆奔騰而去不知所在矣

檜樓惡曜

凡人有災厄凶星惡曜照臨之者宜憑日者
 課算星辰依璇璣好樂之法設醮奏請每位
 一燈一牌先內誦玉清大洞真經多積徧數
 然後設醮但以太陽為主所有醮儀二神化
 隨心所變新異不同至上醮存所臨星曜自
 天中而降又見所臨星煞自患人身中而出
 混合為一列于醮筵就座三獻畢具狀列獻
 儀送聖法師純神大定存元始玄座浮空五
 色獅子之上內誦大經飛天綱躡地紀即步
 于午斗剔于午斗也於每星之前誦經一編
 金書玉字自內天門而降聚為金光布於口
 中即吹其燈乃所立星煞之燈也如一吹即
 滅則災輕至再至三則災重每滅一燈取位
 牌以五色錢及代人雲馬裹之次存星煞分
 而為二天中之星復回官闕身中之星皆乘
 雲馬奔飛到焰之中萬騎擁從我復以此金
 光布之諸煞皆去次將合焚之物一發焚化
 而散其不可焚者散棄江中

穰災度厄

凡有災厄宜出患身災星解之又攝身中陽

竟聽受經法然後運式加臨奏告北極則病
 自無不退矣法宜以真人在赤天中上朝元
 始凝神內觀默誦大經透布金光繞於患人
 之身攝引身中災星與萬神三竟七鬼乘光
 而來次誦洞經見金文玉字灌於身中焚玉
 字於香爐中聽經受法之後乘光而去身中
 萬神七鬼三竟復以金光引入其身其災即
 除真人遂辭元始歸絳宮中運式如設其功
 立驗

安宅存思

凡修造動土恐有觸犯方隅宜盛一盂淨土
 用默朝內誦之法面東存神上朝元始奏陳
 恐有觸犯事意內誦妙經三十二過次加
 一國土地山川林木緬平一等無復歌陷土
 皆作碧玉無有異色眾真侍座急急如
 元始天尊律令敕存見十方眾聖齊聲誦誅
 元始降金光下灌無極即剔玉清設吹布其
 上見大地變為碧玉色真人遂辭元始歸絳
 宮止然後以此盂內淨土徧灑動土所作之
 處即得萬神安寧災厄不作矣

保命存思

凡疫毒流行法師面東凝神真人上朝元始
 奏陳穰瘟事意內誦寶經十徧然後五臟出
 五色之光自目出先單一身次徧虛空光中
 有天丁力士百千萬人仗劍擲火見元始在
 玉清境以五色神光吐灌真人之身又自真
 人孔竅中出光炁化為千乘萬騎玉清驅瘟
 大將軍金甲絳衣腰佩神劍左持金鏡右秉
 玉戟化為金光大焰在疫家境界之中驅逐
 瘟炁元始同千乘萬騎皆誦中篇呪水徧灑
 則瘟炁自消然後真人送元始上泥丸方辭
 元始歸絳宮止

北帝存思

精邪魔羣神物為妖法師面東存真人自絳
 宮上泥丸朝元始面奏治祟事意見元始居
 玉清宮妙行真人侍左飛天無極帝君侍右
 三官四聖儼在後列真人與千萬萬聖俱朝
 禮竟長跪內誦寶經三十二過畢乞為施行
 次辭元始還赤天見天尊吐九色神光自紫
 戶出結成九色圓象上耀九天下燭九地中

照一身內外普及十方然後扣齒九通祝曰
黃中策然新歎宗密制強精斷邪翁太上有
命太上房急召北帝詣玉宮承受威令官魔
王五炁紫鬱與命術秘藏玉文方就隆三天
運明六天運終賢者哉

呪畢咽液三過存我臂中出黑炁勃勃而升
五靈玄老乘龍侍從萬騎駢羅上朝元始良
久見元始敕曰某人被妖邪下鬼興害侵凌
速降三五將軍天蓬部將十天魔王大力天
丁飛雷掣電威劍神王南斗大神北斗使者
千乘萬騎疾速滅除妖邪使患者安寧一如
所敕畢存北帝聞命再拜廣布雲霧萬神一
時同去至彼收除都盡再回泥丸朝天謝恩
復還霄府咽液扣齒寂無遺響

如此法累遣不去則存真人自赤天中上朝
元始或朝北帝皆可西秦所行詞意遵持念
玉帝術靈呪曰
大帝降惡醜草恩出上清九天排仗衛五嶽
列班迎萬里風雲合千山草木平雲頭垂北
海雨脚歇南濱黑炁為中禁天蓬連御營靈

官持玉節太一捧金鉞左陣騎朱虎先鋒跨
大鯨電光飛空火雷鼓震天廷堯令傳諸將
誅伐用六丁素皇飛龍落童子生光明地網
周回布天羅旬布并火龍紅焰起御蓋碧烟
生擺撼乾坤動翻騰宇宙驚神威徧海表風

馭列林生炁吞滄海竭力扼泰山傾虎應庚
辛白龍隨甲乙青斬滅妖邪怪驅除惡毒禱
狂蒐并下鬼何勞共戰爭羣妖須伏勢萬鬼
敢逃形急急如上清敕命玉帝術靈律令
念九徧畢真人辭元始歸赤天中良久存見

上帝乘寶轡玉輦部領四聖三十六將千乘
萬騎雷火金先俱入泥丸混而為一即時下
降傾於黃紙所書呪上呪前見帝真降魔萬
騎並隨金光在所書呪中即今被祟之家於
中堂如法供養至臨睡時用金鉞甲馬焚於
堂中以扇扇之令灰飛紅焰如已建獄則於
獄中焚之至夜時分法師存自泥丸出隊仗
至患家廣行收捕事竟還宮並玉清訣大有
神驗不可輕用

度星存思

度星滅罪作用與前一同只第三朝禮經後
開燈分線行斷法有異所以度亡人保生人
也其法關五斗燈後真人上朝元始默奏保
存之意內誦洞經三十二徧存元始金光下
映我兩眉間有北斗一座天罡星在斗柄前

白衣披髮乘金光直上朝見元始面祝護存
事意天罡謝恩下殿化身為忿怒王三頭六
臂五眼披髮仗劍自三天門而下直至橋頭
執劍揮斤頂中出紅白二炁光射天地先令
受患之家長幼序立地戶外法師立天門上

執紅線一條約留三分之二不撒開其下頭
約三分之一分作若干條令患家長幼悉牽
之每人一條自天門上斜亘地戶外法師還
念青天魔王呪三徧又念大聖北斗七元君
能解復連厄百二十徧取元始所降金光與
天罡頂中紅炁相交吸三口吹於線上下貫
家人存家人為紅炁金光所射七鬼三尸逃
走無餘遂焚斷尸症符急召玉清斷尸大將
軍斷症大將軍部領從官吏兵百千萬人金
甲絳衣佩劍乘鐵並乘金光紅炁驅逐焚祭

華莊奔走四方一時捕盡即取新剪子將此線一頭三分之一剪斷每家人各以所剪一條繫於左手中指上法師將所執上頭棄之存各人纏中指之線紅炁金光照照內外一身五臟四肢無不光耀遂去次存天罡復形

由天門上謝元始歸明堂中次存真人辭謝元始歸于絳宮寂無遺響

關燈時存五方旺炁下覆患身光芒映徹即誦呪曰

職掌虎司位列神宗指揮社令十方悉同以淨為潔屏穢除兇四靈周徧百神環攻以火從陽陰邪勿容天魔外道萬鬼滅踪天罡大聖神光赫衛以光滅暗以明去濛斯地建壇真靈所鍾若有傳尸故炁重重屏除不受當遷神鋒赫火不滅三界潛通急急如律令又念服符呪曰

日出東方光耀表裏行符救水老君救旨真人直符為吾走使符中真人甲子諸官當符者死背符者亡神符保練鬼鬼同康急急如律令又呪曰

三尸作禍九蟲為殃侵食五臟遊走膀胱或赤或白或青或黃神符入腹搜胃洗腸驅除百病骨節康強三焦四體六腑五臟符到收獲敢不消亡急急如律令次念驅邪呪曰

叱咄六甲六乙鬼彥速出六丙六丁知汝姓名妖邪疰炁魍魎勞精速去萬里不得留停須臾不去吾使天神身長五丈雙目雙睛手持鐵索捕鎖妖靈長鉗拔舌啗食汝形滅汝尸影萬劫幽冥急急如律令

次眾念天蓬呪北斗呪天罡呪繞病人身次行斷法

建齋次日行銅牛鐵簡匱蓋法蓋藏家人竟命以銅鑄成小牛長五寸高二寸二分以帛寫生人年命在符中自子文至中指上節十來徧發設牛背上竅以符塞之午設又鐵板

一面長一尺二寸正面寫已往人姓名背面書符選佳屋正東淨地掘深二尺已上以牛面向東埋之斗訣作用時收生人魂命入於牛腹念一鬼入貪狼呪掐斗訣取斗炁覆之

存生人入金殿內不見人只見金光此亦眾輩之次結單訣將生人年命入牛肚內以符封竅念天為我蓋呪發陰陽斗罩之法師格邪心以鐵障設書禁地上禁地即藏牛處也念四縱五橫呪

四縱五橫六甲六丁禹王治道蚩尤辟兵吾藏弟子於金牛之內周遊天下回復往返不見飛尸傳彥應有凶邪並赴魁罡急急如律令次下土埋之念呪

二象回傾玄一之精七靈護命上詣三清雙星驅除黑寇羅兵三十萬兵侍衛神靈毒龍巨天吐炁攝精揮劍逐邪露落魔驚靈符到處千妖滅形北帝殺鬼不得留停急急如律令次以紫庭諸官將守護其上此法本出考召部以朝修後用之故錄于此詳悉見于護生玉訣不盡述

資福存思

人之病患無邪精無癘疫而重病不痊者宜請降天醫治之天醫院在南宮分左右院左治男右治女須奏申秦玄都省及南天請天

醫下降調治當存真人自赤天中徑升泥丸
上朝元始密陳某人病苦請天醫事意內誦
玉清大洞真經不佳見天醫官吏自內天門
下降於明堂上以金光為雲龍送往病人身
中拯治真人凝神以伺玄報伺吉凶定畢遂
辭元始入赤天咽液止萬病除矣

雷霆存思

祈雨多門不若建九宸雷霆齋一如前法其
要處則真人自赤天中上朝元始面奏某處
旱乾乞降雨澤事意內誦大洞經十徧存見
元始有欣然之容亦隨真人誦經然合為
一體降金光自內天門出徧布天地光內有
敕專召神霄大帝即長生大帝也良久大帝
部領侍衛數千人乘光而來萬騎如屯駐于
元始殿前元始口敕曰某處旱乾祈求雨澤
速部所隸關集欵火律令鄧元帥負風辛判
官捷疾張使者撒起玉樞院蔣畢華雷陳五
使者雷公電母風伯雨師五方蠻雷馬郭方
鄧田五使者名山大川社令土地即為收捕
妖魃告示本處神祇潭洞龍神速降雨澤甦

拯民命有違吾命如逆上清畢存大帝於林
領命即從內天門而下至絳宮中號召眾聖
見鄧元帥自心出辛判官自肝出張使者自
膽出蔣畢華雷陳自五臟出雷公電母風伯
雨師自四方玄虛中來五方蠻雷亦自下田
而出與土地神祇及所部千乘萬騎各有形
貌服色所執列在帝前聽命瞬息之間眾聖
飛空步虛降下雨澤先大風自四方起吹黑
雲自四方合次雷聲震次雷光射次大雨如
注平地三尺存畢眾聖各回所司大帝自絳
宮直上三天門入殿朝謁元始陳奏降雨事
意訖歸巽宮元始與真人分為二真人在殿
下拜謝元始復回赤天凝神咽液止
此內朝祈雨感通之法若攪四溟缸則於三
捻香後法師立玄壇上履步破地召雷罡隨
除陽步交乾星於步北斗七星
次轉步南斗六星於步三台面巽方依訣
召雷司諸將及四溟大神存至祝以立缸攪
水事意壇眾在第二層左旋念木郎呪攪水
缸中水一人一攪法師獨在壇上默念諸雷
呪及四溟呪候水湧起則雨降矣更有詳悉

屬考召部此不盡載

四溟大神呪

護明元妃素華金天英斗魁玄靈神太一元
君統水兵蓬萊使者都水庭弱水瑩微無纖
疑總攝河海歸四溟四溟之神太一精太楊
寒水九坎洞中有洞陽玄幽靈玉雷皓師迅
發聲巨乘太華天馬經浦精鬱光齊火鈴黑
雲鶴藹海赤升下澗百川雨如灑膚寸之澤
咸滿盈雨師元隸羅睺結持命連達箕畢星
魚龍行天龍翅興逆濤鼓浪泛長鯨錦鱗空
竅百萬頃赤龍潛奮騰光英上帝有敕無留
停阿香散花傳天馨達命使者傳降靈玉杖
擊開瑠璃瓶雲津徧澍甘露物生火鈴將軍准
此律令敕

存思玄妙拾遺

六真訣

法師步九靈罡巽水遣官兩手拍飛神謁帝
訣以兩手第一第三第五指皆直以兩手第
二指第四指為橋交拍開使飛神矣兩手
第一第三第五共六指名以第一指為使者

或功曹又各第三第五指為四直存赤天中六神引登虹橋橋上紅光交映左右皆有金龍下有五色之雲直過斗口中天門下見二使者一直宿却自中天復升虹橋直至三天門下徑入大殿之玉輝下奏告祈禱俯伏以伺帝敕中天門下即口也三天門下在兩肩間明堂之位秘之秘之不可輕泄

混神三景訣

先疑神大定默奏詞旨訖則存真人在下丹田朝謁神寶君良久上升左旋九帛與神寶君混合為一又上升中丹田朝謁靈寶君良久上升左旋九帛與靈寶君混合為一又上上丹田朝謁天寶君良久上升左旋九帛與天寶君混合為一左旋九帛直撞出天門駕五色祥雲而出初出一二丈又回歸依次九帛分還天寶君又九帛分還靈寶君又九帛分還神寶君元命真人謝恩回歸赤天扣齒咽液而止俟出入境漸調熱旋添加速則大羅不難升矣

飛章奏訣

凡飛章進表或太上老君或太上丈人或九炁大人或九老仙都君承受却送與至尊上帝又有元始或道君或昊天受章之日法師飛神朝謁之時於定境中自知也如有三災之事上帝降旨不許進奏章表則徑拜東極太一表騰奏以祈感格也

候報應訣

凡進章登橋時忽見陰雲遮閉或人物攔截或黑雲疑空或鬼神相見當以金光火炁徧空迫之如即散乃羈魔試人也如不散乃章中所乞先顯禍福之兆也

入靖候報應訣

凡入靖聞有沉香而香者乃上帝降下青詞入局聞有檀香者乃上天降文字下有神吏入局聞降真香或異花香者乃真聖下降入局如夢中有紫衣女人乃三官玉女下降察學者之功過也

設醮降聖訣

凡設醮請聖真臨壇合存所用事舉合即是或異常時是聖真降也如所存思一則見二

思東則見西乃靈真不降營辦不精則所祈不應也

變斛筵與醮筵訣

凡變斛筵與醮筵者先取東方淨水一盃誦大經十遍請金光炁系於其中以水灑物隨法師心變神化無盡

拜章表詞奏得守訣

凡進拜章表既已呈達神朝玉相炁定神疑密扣所祈仰觀文檄紅字自顯宜省記所得再拜謝恩而退如詣玉几前呈徹見空碧如天疑神定觀金字自見回壇後如儀

超度祖先訣

凡超度祖先則須先面東焚香啓白畢存元命真人隨所受法服自赤天中升絳橋上太極宮朝謁元始默奏詞旨訖再拜旋轉行上混太極為一相自天門降寶光金氣直下燦破幽陰良久見祖綱先竟隨所降金光自北歎都而出詣天門此當疑神洞觀其境立有報應然後元命與太極分形再拜謝恩再旋至絳橋歸赤天扣齒咽液而退天門乃太極

宮郵都乃下曲江也須先每日誦經至戌亥時行此秘訣夜夜行之玄報立至若開度三塗則每日面東存太一居東極五色雲中侍衛森然光明洞照先九拜念聖號一念一存不計其數功德滿就復可為之須前三日淨穢畢默朝元始御前奏陳事意存念分明立有報應

請真人訣

用黃紙絲畫真人衣靈寶服項有圓象足履五色慶雲端簡而立側書云謹上請靈寶救苦拔罪君特為三故某持誦太上洞玄靈寶無量度人上品妙經十過拔度某人出離幽冥超升妙境急急如元始天尊律令敕將所畫真人敷陳几案面東內誦三十二過指玉清訣上請下臨良久見浮空而來金光朗耀然後吸炁布真人上以金錢焚所畫真人一十員次立法座依按十方與此同誦洞經其應驗如響

念呪積功訣

凡欲念呪積功於每年歲除之日預於隔宿

沐浴更衣不關人事至日清旦密室中端坐面天門持誦三天隱諱使至十二時滿三十萬遍元正日不語一日自此之後將重表詞狀念一編畢吸東方炁吹文字上立致感通自有曉報三天諱者靈靈也九字呪者崔盧鄭實急管送言來也十七字呪者羊車鹿車大牛車急急如太上老君律令敕

元始祖炁洞經

帝也那藍吒 三目般刺 悉尼皮 俱車輪西那 係都野曇 揚岐羅拔羅 彼計勃陀尼 利般利羅 穆途藍 懺羅都盧 那陀麼 稅多罔伽毗 刺那般吒 麼地扇吒 屈補維視多 擎虎呼嚕羅 波悉瑟底 騰崩 伽梵阿弊拔野 茶余茶野 擔吉多 孕速呼吒 又引吉合 係乾質 蔽離樂又 烏什伐羅 地栗刺 叱 瑟只夜那 波舍尼 甕沙泥釵 嚕呼鳥 唵勿底 底利那 但陀蘇伽 俱知瑟尼 勃地支鞞 姿合羅婆伽 喃嚕難婆羅揭利 拖肩抵提 離悉勃茶

瑟多卑 也奴 娑訶 所謂內誦祖炁洞經不可不曉 姑存之 天台每以此為是今

書符訣

凡書符籙存身為元始天尊坐五色獅子之座頂中泥丸宮亦有元始金容玉相左拍玉清訣默誦大梵隱語取東南炁吹然後書符

教筆呪

溟泮大梵窳廓無光赤明開圓運度自然元始安鎮敷落五篇赤書玉字八威龍文保制劫運使天長存急急如

元始無量度人律令呪畢取天門炁入再呪取東南炁入再呪取旺炁入次呪曰

合明天帝日 卓筆三下書符 教墨呪

教墨呪

玉音攝炁靈風聚烟紫虛鬱秀輔翼萬仙千和萬合自然成真急急如

元始無量度人律令

磨墨呪

梵悉彌羅萬範開張元網流演三十二天輪轉無色周回十方旋斗歷箕回度五常三十

五分總炁上元八景冥合炁入玄玄急急如
元始無量度人律令

研丹砂呪

祖道玄真烜赫正成鬱儀敗質熒惑操形赤
明和陽理禁威靈耀明宗飄帝重光明戊巳

之英中央鎮星排蕩邪氣破穢除精水逢之
沸木逢之熅火逢之滅金逢之鎔長離之主
統攝飛行迷離奴那唵唵吽唵唵吽唵唵
持彌羅東海青童迷尼奴那唵唵吽唵唵
奴那唵唵吽唵迷尼奴那唵唵吽唵急急如
上帝律令救

念呪掐玉清訣以鼻引太陽真炁九口存紫
光九芒入朱又念呪掐訣以鼻引太陰真炁
十口存黃光十芒入朱又念呪掐訣引罡炁
七口存赤光七芒入朱然後下筆閉炁書符
凡符篆已用本符呪訣者則再以玉清大呪
救之

三十二天三十二帝至列言上清急急如
祖師元始上帝令玉晨道君救
呪畢又取西北炁吹之

受鍊押字呪

疾除罪簿落滅惡根不得拘留逼合鬼羣元
始符命時刻升遷急急如

元始上帝令玉晨道君救

度鬼呪

億曾萬祖幽鬼苦爽皆即受度上升朱宮急
急急如

元始無量度人律令

封簡呪

敷落神真普度天人今日欣慶受度歷闕諸
天急急如

元始無量度人律令

度簡與三人呪

身得神仙諸天書名黃錄白簡削死上生急
急急如

元始無量度人律令

凡書符篆如本符無呪救者並用大梵隱語
書之

書章關章牒上於年月日邊先寫非王
二字次於二字上書某日某時急速呈達次

以靈靈雷三字疊書蓋之口默念三天諱字
手別子午斗存金光布於符上

九靈飛步

法師煉神畢密召三天承受玉女運神會道
功曹九天雲路正一功曹流金火鈴大將軍

罡風破敵大將軍飛步章奏司一行官將本
靖主副將帥翊衛左右並在金光中師密祝

云以今奉為某人進拜其章一通上詣
三天金闕玉陛下祈恩請福或開度亡人仰

本靖主副將帥護衛神真速祈感應急急即
見流金火鈴大將擲火在前滅除魔試歛火

雷神次之法師自捧章文天蓬諸將吏兵隨
後真人遂步九靈罡一座回身遂乘金光道

炁徑上十二重樓度絳橋過中天門下謁斗
中元紀具陳詞旨乞為引進次謁天曹四司

如前祝仍懺罪乞原有許容進章次謁司命
夫人只說乞為進章次謁天師及靈寶三師

亦說通進章文事次謁三將軍如前祝次過
三天門下到察陽金闕之前立諸將止此屯
駐伺候只有三天玉女會道功曹從金光中

引師進步注目遠瞻光中金色元始法王御
五色獅子之上從以金童玉女旌節幡幢等
項次見大一玄生帝君乞依元降九靈秘旨
乞為某人捧章進呈師長跪運禮以章度與
玄生帝君見帝君捧章進呈於玉几之上真
人再拜長跪誦經凝神俟報應畢隨事宜須
行復歸絳宮如法

聚菟秘旨

先存自己刀圭乃二腎中以灌注亡人之二
腎中白炁上升大顛於菟之下又存脊骨二
十四節上至頭生髓骨以兩腎炁吹之生左
右二腎男子先左腎炁吹之次主右
女人先右腎炁吹之次主左次存腎
炁起生兩眼以肝炁爐生肝肝生膽以心炁
呵生心心生孔竅通於舌生口以脾炁呼生
脾以肺炁咽生肺肺中藏菟也肝中藏菟混
元三色炁青黃白生手足五藏皮肉筋骨次以
混元正一之炁生目神先天之炁黃吸中黃
之炁吹之混元裏中自己鼻炁不取炁
只自鼻炁吹之三炁
生化成人以華池咽下注潤一身則成人以
神光運益精輪生神運丹田祖炁益通音此

法之妙能使陰菟見於陽世語話如生也法
師存脾宮黃炁蓋之此亡人枯骨在黃袱內
凝神大定靜看黃袱中枯骨成人只定中自
見亡人形貌如看良久無分曉只是菟不來
矣須再行前生神法又靜看之

靈寶頌教濟度金書卷之二百八十五

正一天師清微弟子洪百堅製



靈寶頌教濟度金書卷之二百八十六 伏

洞微高士開光救苦真人竇全真授

靈寶通玄教水南先生林靈真編

存思玄妙品清福壽用

醫心脾疾符

啖帝摩羅尊攝

書符

脾積元應通變化攝

凡書符每符三道一道靜室中或壇內香
爐上焚之蛤粉調灰下又一道在家供養
至二更時用錢馬同焚之其夜天醫下看
治又一道吞服或焚灰皆可立效符用薄
黃紙朱書符後批寫事意須其日先焚召
符方驗設以四指勾五指入中指背五指
壓倒中指中指曲在掌中大指壓定中指
以後並同此作用

醫氣塊符紫絲木香湯調灰下

氣元應病都叱攝

書符

啖烏尊靈摩光攝